



Múte Bourup Egede
Inatsisartuni ilaasortaq, Inuit Ataqatigiit

Tasiilami ilinniarfeqalernissaq pillugu § 37 naapertorlugu apeqqummut nr. 248-mut akissut

22-07-2019
Suliap normua
Allakkat nr. 10941081

Asasara Múte Bourup Egede,

Postboks 1029
3900 Nuuk
Oqarasuaat: : +299 34 50 00
Email: ikin@nаноq.gl
www.nanoq.gl

Apeqqutinnut qujanaq, taanna Inatsisartut nalinginnaasumik aqutsinermi ileqqoreqqusaat naapertorlugu apeqquteqaatigivat. Tulliuttuni akissavara.

- 1. Nunatta kangiani kalaallisuuliornermut kiisalu kulturikkut tammatsaaliinissaq timitalerniarlugu ilinniarfiliornissaq UPA2017/112-imi Inatsisartut tamarmiusut aalajangiussaata pillugu suliaq Naalakkersuisuniit timitalerniarlugu sulisoqarpa?**

Akissut: Nalunaarusiaq "Tasiilami ilinniarfik" Naalakkersuisut ulloq 16. juli 2019 saqqummersippaat, tassani ilaatigut Kalaallisuuliornermik Ilinniarfiup Tasiilami immikkoortortaqaalersinnaanissaanut periarfissat allaaserineqarsimallutik.

- 2. Naalakkersuisut Nunatta kangiani, soorlu Tasiilami piginnaalersitsiffiusumik ilinniarfiliornissamik pilersaaruteqarpat?**
 - a. Aappiuppat - Ilinniarfiliassatut pilersaarut suua?**
 - b. Naamiuppat - Sooq Naalakkersuisut nunatta kangiani ilinniarfiliornissamut pilersaaruteqanngillat?**

Akissut: Nalunaarusiami "Tasiilami ilinniarfik"-imi atuarneqarsinnaavoq Tasiilami innuttaasut amerlanerit kivissinnaajumallugit tunngaviusumik ilinniarfimmik pilersitsinissaq ukkatarigaanni pissusissamisoornerpaassasoq. Tamatuma saniatigut meeqqat atuarfimmi naammassisartut naammaginatsumik angusaqartarnissaat kiisalu inuusuttut ilinnialersussat soorlu inuusutissarsiutini ilinniarfinni ilinniarnertuunngorniarfinnilu ilinnialersussat siunnersorneqartarnerisa erseqqinnerusumik maleruagassiuunneqarnissaat ukkataralugit. GUX Sisimiut ukioq atuarfiusoq 2018/2019 aallartiffigalugu eGUX aqqutigalugu ilinniarnertuunngornianut najugaqarfigisamiiginnarluni ilinniartitaanertut ilinniagassanik ataasiakkaanik tapertaliussassanilluunniit neqerooruteqartalerpoq. Ukioq atuarfiusoq 2019/2020 aallarnerfigalugu GUX-imik iliniarneq ukiuni marlunni sivisussusilik najugaqarfigisamiiginnarluni ilinniarneqarsinnaasussat periarfissaalissaq aamma Tasiilami innuttaasunut periarfissaasusaaq.

3. Naalakkersuisut apequtigineqartut aallaavigalugit allanik paasisutisseerusuppat?

Akissut: Nalunaarusiaq Tasiilami Ilinniarfik Naalakkersuisut nittartagaat aqutigalugu atuarneqarsinnaalereerpoq:

<https://naalakkersuisut.gl/~media/Nanoq/Files/Publications/Uddannelse/Uddannelsesinstitution%20i%20Tasiilaq%20GL.pdf>

Tamatuma saniatigut eGUX aqutigalugu ilinniarnertuunngorniarsinnaanissamut periarfissat uani atuarneqarsinnaapput: www.egux.gl.

Inussiarnersumik inuulluaqqusillunga



Ane Lone Bagger